



# COMUNE DE PÀDRIA

## DELIBERATZIONE DE SU CONSÌGIU COMUNALE N. 26 DE SU 29/08/2022

OGETUO: ADESIONE A SA TZENTRALE ÒNICA DE INCÀRRIGOS DE S'UNIONE DE SOS COMUNES DE SU BIDDANOIA

S'annu duamìgia e bintiduos sa die bintinoe de su mese de austu a sas 18:30, AULA CONSILIARE, a pustis de avisu de cunvocatzione regulare, chi cuntenet puru s'elencu de sas cosas de trattare, notificadu a sos Consigeris in càrriga de su Comune, publicadu a s'albu pretòriu de su Comune matessi in sos tèrmines de lege, s'est reunidu in sessione ordinària pùblica in prima cunvocatzione, su Consìgiu Comunale, de su cale a s'apellu resurtant:

<b>SAMBENADU E NÙMENE</b>	<b>PRESENTE</b>
DUT.RE MURA ALESSANDRO	EMMO
MARICA MATTEO SALVATORE	EMMO
DETTORI GIUSEPPA ANGELA	EMMO
CONTU DANILO	--
PIRAS ANGELO	EMMO
DOMINICI SANTO	EMMO
MANCA ALESSANDRA	EMMO
SERRA ANTONIO	EMMO
MASCIA ANGELA RITA	EMMO

Presentes n° 8 Ausentes n° 1

Partètzipat su SEGRETÀRIU COMUNALE DUT. CARTA GIANCARLO, chi providit a redatzionare custu verbale.

Essende legale su nùmeru de sos interbènnidos, su SÌNDIGU DUT. MURA ALESSANDRO, in sa calidade sua de Presidente, leat sa presidèntzia e deccarat aberta sa setziada pro trattare de s'ogetu giutu torra in subra.

## SU CONSÌGIU COMUNALE

### **Premìtidu chi:**

- s'art. 1 comma 1 de su decretu lege n. 32 de su 18.04.2019, mudadu cun modificatziones dae sa lege n. 55 de su 14.06.2019, in s'òtica de sa *netzessidade e urgèntzia de pregonare dispositziones pro favorèssere sa crèschida econòmica e dare impèllida a su sistema produtivu de su Paisu, cun s'adozione de mesuras pro sa semplificatzione de su quadru normativu e amministrativu ligadu a sos afidamentos pùblicos.*, at prevididu chi, finas a su 30 de làmpadas de su 2023 (tèrmine gasi mudadu e istèrridu dae s'art. 52 comma 1 de su decretu lege n. 77 de su 31 de maju de su 2021, mudadu cun modificatziones dae sa lege n. 108/2021), no agatant aplicatziones, a tìtulu isperimentale, una sèrie de normas de su Còdighe de sos cuntratos de sos cales a su d.lgs. n. 50/2016, tra sos cales pro sa parte de interessu de custu provedimentu, s'art. 37 comma 4, pro sos Comunes chi non sunt cabulogu de provìntzia, cantu a s'òbligu de s'avalèssere de sas modalidades indicadas inoghe, solu pro sas protzeduras chi non pertocant sos investimenti pùblicos finantziados, in totu o in parte cun sas resursas prevididas dae su Regulamentu (UE) 2021/240 de su Parlamentu europeu e de su Consìgiu de su 10 de freàrgiu de su 2021 e dae su Regulamentu (UE) 2021/241 de su Parlamentu europeu e de su Consìgiu de su 12 de freàrgiu de su 2021, e puru dae sas resursas de su Pianu natzionale pro sos investimenti complementares de sos cales a s'artìculu 1 de su decretu

- lege 6 de maju de su 2021, n. 59;

- semper cunforma a su giai mentovadu art. 1 comma 1 de su d.l. n. 32/2019, finas a canto non b'at a èssere una disciplina dereta a assicurare sa minimadura, s'afortiada e sa cualificatzione de sas istatziones chi gestint s'apaltu, pro sas protzeduras chi pertocant a sas òperas de su PNRR (Pianu Natzionale de Ripresa e Resilièntzia) e PNC (Pianu Natzionale Complementare), sos Comunes non cabulogu de provìntzia protzèdint a s'achisitzione de fruniduras, servìtzios e traballos non solu cunforma a sas modalidades indicadas dae su mentovadu artìculu 37, comma 4, pro mèdiu de sas uniones de sos comunes, sas provìntzias, sas tzitades metropolitanas e sos comunes cabulogu de provìntzia;

### **Consideradu, duncas chi:**

- cunforma a sas dispositziones, sos Comunes non cabulogu de Provìntzia, destinatàrios de sos finanziamentos de sos cales a su PNRR e a su PNC, non potzant a manera autònoma e dereta protzèdere a s'achisitzione de fruniduras, servìtzios e traballos pùblicos, no essende includidos tra cussos sugetos giurìdicos incarrigados de sa gestione de sas protzeduras de afidamentu in paràula;

- sos Comunes non cabulogu de Provìntzia protzèdint a s'achisitzione de fruniduras, servìtzios

e traballos, non solu cunforma a sas modalidades indicadas daes s'art. 37, comma 4 de su d.lgs. n. 50/2016 e mm.ii.ii., pro mèdiu de sas Uniones de sos Comunes, sas Provìntzias, sas Tzitades metropolitanas e sos Comunes cabulogu de provìntzia;

- **Consideradu** chi sos s'indigos de sos Comunes chi faghent parte de s'Unione Comunes de su Biddanoa, in cunsideru de sa dispositzione normativa mentovada in subra, ant chistionadu in prus ocasiones e bogadu a campu s'esigèntzia e sa netzessidade de costituire una Tzentrale Ònica de Incàrrigos intro de s'Unione pro sa gestione de sos afidamentos chi derivant dae sas lìnias de afidamentus mentovadas in su subra;

**Ammentadu** chi in tema de gestione assotziada de sas funtziones fundamentales, cun su decretu lege n. 228 de su 30 de nadale de su 2021, mudadu cun modificatziones dae sa lege n. 15 de su 25 de freàrgiu de su 2022 (decretu "mille proroghe"), cun s'art. 2 comma 1 est istadu perlongadu su tèrmine chi pertocat s'òbligu de gestione assotziada de sas funtziones fundamentales de sas cales a s'art...14 comma 27 de su decretu lege n. 78/2010 e mm.ii.ii., dae su 30 de làmpadas de su 2022 a su 31 de nadale de su 2023;

#### **Bidos:**

- Sa Lege Regionale 4 de freàrgiu de su 2016 n. 2 in tema de "Riòrdinu de su Sistema de sas Autonomias Locales de sa Sardigna";

- sa L.R. Sardegna 12 de abriale de su 2021 n. 7 chi pertocat: "Riforma de s'assentu territoriale de sa Regione. Mudaduras a sa lege regionale n. 2 de su 2016, a sa lege regionale n. 9 de su 2006 in matèria de demàniu marìtumu e dispositziones urgentes in matèria de acumprida de sas eletziones comunales";

**Averiguadu** chi sa costituzione de una tzentrale de incàrrigos a sustennu de sos Comunes chi faghent parte de s'Unione Comunes de su Biddanoa at bisòngiu de resursas umanas adecuadas, cumpetèntzias e professionalidade, e puru de suportos tecnològicos idòneos pro una gestione adecuada de sas protzeduras de apaltu chi derivant dae sos finantziamentos de sos cales a manera printzipale a su PNRR e postas a dispositzione de sos Comunes interessados a sa dèlega de su servìtziu;

**Sutalineadu** chi sa costituzione de sa Tzentrale Ònica de Incàrrigos intro de s'Unione Comunes de su Biddanoa, in sos tèrmines finas a como acrarados, paret coerente de su totu cun s'operatividade sua como e in su tempus ch'at a bènnere pro garantire su respetu prenu, dae parte de sos Comunes assotziados, de sas dispositziones, de sas cales a s'art. 52, comma 1 de su D.L. 77/2021, descritas in subra;

**Reconnotu** chi cun deliberatzione de s'Assemblea de s'unione Comunes de su Biddanoa n. 33 de

su 5 de austu de su 2022 est istadu istituidu su servìtziu assotziadu de sa Tzentrale Ùnica de Incàrrigos;

**Bidu** s'ischema de Conventzione chi pertocat s'ogetu, allegadu a custa deliberatzione pro nde fàghere parte integrante e sustanziale;

**Ammentadu**, puru, chi s'ischema de conventzione est istadu trasmitidu in antis a s'Unione Comunes de su Biddanoa cun noda prot. n. 778 de su 26.07.2022 a totu sos Comunes chi faghent parte pro achisire osservatziones dàbiles e/o propostas integrativas;

**Recramadu**, in particolare, s'art. 9 de s'Istatutu de s'Unione, cunforma a su cale s'Unione cun riguardu particolare a sas atributziones pròpias, podet esertizare in forma assotziada, cun sa punna de megiorare sa calidade de sos servìtzios frunidos, de minimare sa propassada de sos ischilibrios econòmicos, sotziales e territoriales chi bi sunt in s'àmbitu pròpiu e de megiorare sas resursas econòmico-finanziàrias, umanas e instrumentales, a manera coerente cun sas dispositziones de lege istatales e regionales in vigèntzia, prus funtziones e servìtzios;

**Valutadu** chi sa gestione assotziada de sos servìtzios de sos cales semus tratende in favore de sos comunes chi faghent parte e de sa matessi Unione at a pòdere permitere sa resèssida de sos obietivos chi s'ghint, sena duda cun vantàgios:

- su respetu prenu, dae parte de sos Comunes assotziados, de sas dispositziones, de sas cales a s'art. 52, comma 1 de su D.L. 77/2021;
- economias de iscala;
- afortiada de sas cumpetènzias in sos comunes s'ingulos;
- semplificatzione amministrativa;
- standardizatzione de sos protzessos;

**Reconnotu** chi sa gestione assotziada de su servìtziu in ogetu in cabu a s'Unione s'at a perfetzionare solu posca chi s'Assemblea at a retzire sas deliberatziones consiliares de sos Comunes s'ingulos chi nde faghent parte, in cunformidade a cantu prescitu dae s'art. 10 de s'Istatutu;

**Bidu** su d.lgs. n. 267/2000 e mm.ii.ii.;

**Achisidos** subra de sa proposta de deliberatzione sos parres a favore, in òrdine a sa regularidade tècnica e contàbile, de su Responsàbile de su Servìtziu Finanziàriu, cunforma a s'art. 49, comma 1, de su D. Lgs. 267/2000 e mm.ii.ii.;

**Intesu** s'interbentu de su Sìndigu chi leghet sos contenuti prus importantes de sa proposta e sas

resones subra de sas cales sa matessi si fundat e dat sa paràula a su Vitze Sìndigu e Assessore Marica Matteo, chi acrarat a sa minuda sos contenidos de sa proposta, sas finalidades e sas modalidades de funtzionamentu de sa Tzentrale ùnica de Incàrrigos;

No essende bi àteras rechestas de interbentu, su Presidente decrarat sessada sa dibata e cùmbidat sos Senn. consigeris a protzèdere cun sa votazione.

S'est protzèdidu a votare pro artziada de manu, cun votazione de sos presentes a favore.

## **DELÌBERAT**

**De aderire** a su servìtziu assotziadu de Tzentrale Ùnica de Incàrrigos de s'Unione de sos Comunes de su Biddanoa;

**De approvare** s'ischema de conventzione allegadu, cunforma a s'art. 30 de su Decretu Legislativu 18 de austu de su 2000, n. 267 e mm.ii.ii. chi disciplinat sos raportos tra s'Unione Comunes de su Biddanoa e sos Comunes chi faghent parte pro sa gestione in forma assotziada de su servìtziu de Tzentrale Ùnica de Incàrrigos a sustennu de sos Comunes assotziados;

**De incarrigare** sa Responsàbile de s'Àrea Amministrativa in òrdine a sa trasmissione, a s'Unione Comunes de su Biddanoa, de su provvedimento de adesione a sa Tzentrale Ùnica de sos Incàrrigos de s'Unione, umpare a s'ischema de conventzione cun sa punna de un'acollidura imbeniente a s'art. 10 de s'Istatutu de s'Unione Comunes de su Biddanoa.

---

### **PARRE DE REGULARIDADE TÈCNICA**

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **22/08/2022** at espressadu parre a **FAVORE**

---

### **PARRE DE REGULARIDADE CONTÀBILE**

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **22/08/2022** at espressadu parre a **FAVORE**

---

SU SÌNDIGU DUT. MURA ALESSANDRO

SU SEGRETÀRIU COMUNALE DUT.  
CARTA GIANCARLO

### **NOTA DE PUBBLICAZIONE N. 656**

Cunforma a s'art. 124 de su T.U. 267/2000 su Responsàbile de sa Pubblicazione **SEGRETÀRIU COMUNALE DUT.CARTA GIANCARLO** atestat chi in data 02/09/2022 s'est protzèdidu a sa pubblicazione a s'Albu Pretòriu.

Sa Delìbera est esecutiva cunforma a sas dispositziones de lege in vigèntzia

---

Còpia digitale de documentu informàticu firmadu e produidu cunforma a su D.Lgs 82/2005 e normas respetivas collegadas

CONSÌGIU Atu N.ru 26 de su 29/08/2022